

47220







Krzyż. 25c

EPISTOLA
SANCTI FRANCISCI SALESII,
EPISCOPI GENEVENSIS,
AD QUENDAM ECCLESIAE PRÆSULEM.
IN QUA
MODUM PRÆDICANDI EI DESCRIBIT.

SUB
AUSPICIIIS
REVERENDISSIMI
DOMINI DOMINI ONUPHRII
SZEMBEEK,
ECCLESIAE CATHEDRALIS CULMENSIS
PRÆPOSITI,

NEC NON
REGIO INSIGNIS COLLEGIATÆ VARSAVIENSIS
ARCHIDIACONI COADJUTORIS, ET CANONICI.
DUM

*Ad objecta contra Propositiones Theologicas
responderent:*

FRANCISCUS SMULSKI.
MATTHÆUS BALEWICZ
GRATIANUS BORZYM.

CONGREGATIONE MISSIONIS
SACRÆ THEOLOGIAE CANDIDATI.
DIEBUS

PUBLICIS DISPUTATIONIBUS CONSECRARI SOLITIS
CLERO OBLATA.

IN
SEMINARIO VARSAVIENSI,
AD AEDEM S. CRUCIS.

Anno 1777.

Sacerdotes Antonii Kornitowicz.




LIST OF
SANDWICH ISLANDS
ADmiral's OFFICE
MIDDLESEX STREET
LONDON
REV. J. H. COLEMAN
DOMINION OF THE
S. N. E. M. E. K.
EDWARD IV. KING OF ENGLAND
P. R. O. C. E. E.

4220
16

CONFIDENTIAL
SECRET
LONDON
J. H. COLEMAN
DOMINION OF THE
S. N. E. M. E. K.
EDWARD IV. KING OF ENGLAND
P. R. O. C. E. E.

PER-ILLUSTRIS REVERENDISSIME

DOMINE

 *Ximia ac singularis TUA in Divum
Antistitem pietas & religio, verum
intimumque Servi tui in Te obse-
quium effecere; ut hac exigua Sancti Prasulis
pagella, in Cleri Ecclesiaeque emolumentum
TVO sub Nomine in lucem prodiret; aquum
etenim justumque est, ut, quae multoties, multo-
rum aliorum, eorum etiam, qui primi inter
Ecclesiae Pralatos recensentur, praetulit no-
men, hac gloriatur & TVO, QUI à primis
Vocationis & Ordinationis TVAE annis, non
obscurè (ut multis aliis & Servo tuo no-
tum fuerat) Sancta Sancti Pastoris vestigia*

preſſeras. Deus ter Optimus Maximus faxit,
ut, quibus tam feciliter inſtituſti, illis non
aliò, quàm quò Sanctus Pontifex pervenit,
gradiaris; hæc multorum, hæc ſunt, erunt-
que ſemper vota tui Servi, qui ſi aliquam
TE inſcio agens commiſit culpam, facile ſe
obtenturum veniam ſperat apud EUM,
QUEM, uti caterarum aliarum virtutum,
ita bene novit SALESIANÆ mansuetudinis
verum Hæredem; memineris inſuper Per-Il-
luſtris Reverendiſſime Domine, quòd E TU
cùm Romæ eſſes, ratione non abſimili; quæ
in gratiam E favorem Servi tui, aliorum-
que egeras, feciſti, cujus benefacti, grati
E memores ſi alii ſunt omnes, ſum hodie-
que E Ego.

TUÆ Per-Illuſtris

Reverendiſſimæ Dominationis

Indignus Servus

J. C. C. M.

EPISTOLA S. FRANCISCI SALESII

EPISCOPI GENEVENSIS
AD QUENDAM PRÆSULEM.

De vera arte prædicandi.

Domine, nihil amori impossibile est. Villis quidem, imperitus Prædicator sum; urget tamen charitas, ut aggrediar iudicium meum de vero prædicandi modo tecum communicare. Nescio, an tuus erga me amor has aquas de petra eliciat; vel, an meus adversus te amor de spinis rosas producat. Indulge, ut hoc verbo *amoris* utar, Christiano namque more loquor; neque mirum, aut inusitatum existimes, quòd aquas, & rosas tibi promittam: hæc enim epitheta omni doctrinæ Christianæ, quantumvis malè contextæ, conveniunt. Ordior. Deus optimus sit operis Auctor, & Confector.

De vera arte prædicandi.

UT ordinatè loquar, prædicationem in suis quatuor causis considero, videlicet: effici-
cienti, finali, materiali, & formali; sive:
quis, quo fine, quid, & qua ratione prædicare debeat.

A

Quis

Quis prædicare debeat. ?

Nemo quisquam hoc munus suscipiat, nisi tribus dotibus ornatus sit: morum scilicet probitate, doctrina congruenti, missione legitima. Non moror in missione, sive vocatione: unum observo, Episcopis non solum missionem, sed & originem Ministerii propriam esse, cæteris autem prædicatoribus nonnisi rivulos ab hoc fonte ductos. Primum hoc eorum, & magnum munus est. In consecratione de illo commoniti, specialem gratiam recipiant, ut illud cum fructu obeant. D. Paulus in hac vitæ conditione scribit: *Væ mihi est, si non evangelizavero.* Tridentinum Concilium declarat: *Præcipuum Episcoporum Officii munus esse, prædicare.* Ex attenta horum consideratione animum erigamus, quod Deus in hac actione singulari modo nos juvet. Et mirum dictum est, quam gratiam, quod pondus conciones Episcoporum præ concionibus aliorum Sacerdotum habeant: quantumvis enim copiosi sint rivuli, amamus tamen ex fonte bibere.

Quod ad doctrinam attinet; sufficiens, non præstans petitur. S. Franciscus doctus non fuit, nihilominus eximius Prædicator: & ævo nostro B. Cardinalis Borromæus nos erat nisi valde mediocri scientia, attamen mirabilia fecit.

Novi centena hujus exempla. Vir liberaliter eruditus (Erasmus) dicere consuevit, præcipuum modum, ut quis doctus evadat, esse, docere; Sic prædicando, quis Prædicator fit. Id solum adjungo: Prædicator satis doctus

doctus est, si non ambit videri plus scire, quàm sciat. Nescimus de Mysterio Trinitatis aptè loqui? nihil de illo dicamus: non sumus bene versati in expositione: *In principio*. D. Joannis? prætermittamus. Non deficiunt alia materiæ his utiliores; neque enim desideratur, ut omnia præstemus.

Quod ad probitatem pertinet; id vitæ genus, non aliud exigitur, quàm, quod Apostolus Episcopis præscripsit, ea ratione, ut necesse non sit, nos præstantioris virtutis esse, ut Prædicatores, quàm ut Præsules. Indubitatum igitur ex Paulo est: *Oportet Episcopum irreprehensibilem esse*. Animadverto tamen non solum exigi, ut Episcopus, & Prædicator nullius sit lethalis culpæ reus, sed & ut certas leviores noxas devitet, imo & quasdam actiones, quæ peccatum non sunt. S. Bernardi Doctoris nostri apophthegma est: *Nuge Sæcularium, sunt blasphemia Clericorum*. Sæcularibus indultum est: ludere, venationi operam dare, conversationibus in noctis partem uti; & hæc in illis peccatum non sunt. Verum nisi hæ actiones in Episcopis, & Prædicatoribus, millenis sint circumstantiis conditæ, quæ difficulter se se offerunt, scandalum, & grave scandalum erunt. Vulgus de illis dicit: tempus illis suppetit, ut rebûs gratis se oblectent: de mortificatione postea sermonem instituunt, profecto risu excipientur: Non nego, licere semel, aut iterum infra mensem lusu honesto animum relaxare; attamen addo, cum magna circumspectione id faciendum esse. Quid de venatione? hæc penitus prohibetur. Idem ju-

diciam de superfluis expensis, quæ in conviviis, vestibus, & libris fiunt. In homine sæculari redundantia sunt, in Episcopis non leve peccatum. Bernardus egenos sic post nos clamantes inducit: *Nostrium est, quod expenditis, nobis crudeliter eripitur, quidquid inaniter expenditur.* Qua fronte mundi superfluitates objurgabimus, si nostræ se illi spectandas præbent. Ex Apostoli doctrina: *Oportet Episcopum hospitalem esse.* Porro hospitalitas non in eo sistit, ut convivia splendide adornemus, sed, quæ Episcopum decet, quamque Tridentinum præfinit, frugali mensa hospites libenti animo recipiamus. Excipio certos casus, quos prudentia, & charitas, bene, & rectè discernet. Cæterum nemo in concionem prodeat, nisi Missam ante celebraverit, aut celebrare velit. Fidem pene superat, teste Chrysostomo, *quanto terrori sit os diabolo, quod S. Sacramentum recepit.* Ita res habet: videtur post S. Paulum dici posse: *An experimentum quaritis ejus, qui loquitur in me Christus?* recipit inde animus uberiores fiduciam, fervorem, & lumen. *Quamdiu sum in mundo,* ait de se Salvator, *lux sum mundi.* Certum est, quod Dominus noster, dum realiter in nobis est, lumen nobis conferat, quia lux est. Ita pariter oculos discipulorum in Emmaus, post fractum & sumptum panem, apertos fuisse novimus. Ut minimum debeat animus Sacramento penitentiae cum Deo reconciliari, juxta illud, quod Deus in Psalmo dicebat: *Peccatori autem dixit Deus, quare enarras justitias meas, & assumis testamentum meum per os tuum.* Et D. Paulus:

Castigo

*Castigo corpus meum, & in servitutem redigo,
ne cum aliis predicaverim, ipse reprobus effi-
ciar. Verum, ultra quàm satis sit, de hoc.*

De fine Concionatoris.

Finis causa præcipua est rerum omnium: hic agentem ad agendum movet; omnis enim, qui agit, & propter finem, & secundum finem agit: hic & materiæ, & formæ modum, & mensuram dat: Secundum propositum namque, aut domum lautam, aut adiculam construendi, paratur materia, opus disponitur. Quis itaque finis est oratoris sacri in dicendo? Finis illius idem sit, oportet, quem Dominus noster sibi præfinivit, dum in hunc mundum veniret. Audiamus de se ipso dicentem: *Ego veni, ut vitam habeant, & abundantius habeant.* Ergo finis est operam dare, ut peccatores, in iniquitate mortui, justitiæ vivant: & ut justii vitam spiritualem habentes, abundantius habeant, ad perfectionis apicem magis in dies tendendo: quodque Jeremiæ dictum fuerat: *ut evellat, & destruat, vitia & peccata; & ædificet, & plantet, virtutes & perfectionem.* Quoties igitur Prædicator in concionem ascendit, intra se dicere debet: *ego veni, ut hi vitam habeant, & abundantius habeant.* Porro ut hoc propositum assequatur, duo ei præstanda sunt; videlicet: Docere, & movere; docere virtutes, & vitia; illas, ut populum ad earum amorem, prosecutionem, & praxim animet: hæc, ut detestetur, vincat, & fugiat: verbò illuminare debet intellectum, & inflammare voluntatem

tatem. Idcirco mittebat Deus Apostolis die Pentecostes (qua die Episcopi Consecrati fuerunt , in Cæna ante Sacerdotiò inaugurati) linguas ignitas , ut scirent linguam Episcopi debere Auditorum intellectum illustrare , eorumque voluntatem incendere. Novi equidem , multos in oratore tertiam quandam dorem desiderare ; nempe , ut delectet. Verùm quod ad me attinet ; distinguo , & statuo , esse delectationem quandam , quæ doctrinam & motum sequitur. Quis enim sensus ita expers est , ut eum non delectet , viam ad cælum bene , & sancte discere , aut qui non ex amore divino summum solatium capiat ? & hæc quidem delectatio plane , & omnino debet procurari : est nihil distinctum habet à docendo , & movendo ; cùm ad utramque pertineat.

Alia verò delectationis species est , quæ à docendo & movendo non gignitur , sed ab iis distinctum quid habet , imò doctrinam & motum frequenter impedit , & est certa titillatio aurium , quæ ex quadam elegantia seculari , mundana , & profana , ex certis curiositatibus , ex artificiosa partium , & verborum connexionem oritur ; paucis ; quæ tota ab arte dependet.

Et quod ad hanc attinet , fortiter , & constanter nego , concionatori de illa cogitandum esse. Oratoribus profanis , circulatoribus , & Aulicis propria est , qui illà se oblectare solent. Non prædicant hi Jesum Christum sed semet ipsos : *Non sectamur lenocinia Rhetorum , sed virtutes Piscatorum.* Apostolus delectatur Auditores prurientes auribus : quod

con-

consequens est, prædicatores, qui his placere querunt. Ineptia est hominis nomen eruditi affectantis. Nolim, ut populus ex Ecclesia pedem efferens dicat: quàm excellens est hic Orator: quàm acri & felici est memoria, quàm eruditus, quàm bene dicit. Mallem audiri: quàm speciosa est pænitentia, quàm necessaria, Deus meus! quàm bonus, quàm justus es; & istiusmodi, aut quod Auditores plene persuasi, non aliud de periticia prædicatoris testimonium perhibeant, quàm morum emendatione; *ut vitam habeant & abundantius habeant.*

Quod debeat esse sermonis Argumentum.

PAULUS unò verbò Timotheum suum docet: *Prædica verbum*, videlicet Dei. Christus ipse Apostolos jubet, *prædicare Evangelium*. S. Franciscus mandatum hoc exponit, fratribus suis præcipiens, ut virtutes, & vitia, infernum & Paradisum prædicent. Omnem hanc materiam libri divini abunde suppeditant, ut nihil aliunde requirendum sit. Ergo ne Ecclesiæ Doctores, & libri Sanctorum ad id usui non sint? planè utendum illis. Etenim quid est doctrina Patrum, quàm Evangelium explicatum, & Scriptura exposita? inter Scripturam S. & doctrinam Patrum ea fere est similitudo, quæ inter amygdalum integrum, & diffractum, cujus nucleus ab omnibus manducari potest; aut inter panem inte-

integrum, & panem in frusta discissum. Indubie igitur adhibendi sunt, velut instrumenta, per quæ Deus verum verbi sui sensum nobiscum communicavit. Quid de historiis Sanctorum sentiam; petis? Bone. Deus! estne quid illis utilius? quid amænius? verum quid sunt vitæ Sanctorum, quàm Evangelium actionibus expressum? non aliud inter Evangelium scriptum, & Sanctorum vitas discrimen intercedit, quàm inter musicam notis exhibitam, & musicam decantatam.

Quid de usu historiarum profanarum? bonæ sunt, non aliter tamen illis utendum, quàm instar fungorum, parum scilicet, & ad cibi solum appetentiam excitandam: sed & tunc bene condiendæ sunt, & ad mentem Hieronymi ita parandæ, ut Israëlita feminas captivas, nuptui tradendas, adornare solebant; ungues videlicet demendo, & capillum tondendo: hoc est, Evangelio plenè adaptandæ sunt, & solidæ Christianæ virtuti, demendo, quidquid reprehensione dignum in actionibus paganis, & profanis invenitur. *Separandum* in illis est, ut Scriptura loquitur, *pratiosum à vili*. In fortitudine Cæsaris separanda est, & arguenda ambitio: in magnanimitate Alexandri, vanitas, ferocitas, & superbia: in Lucretiæ castitate, mors illius ex desperatione secuta.

Quid de fabulis & Pœtis? de his nihil, aut adeo modicum, adeo appositè ad argumentum, & talibus cum circumstantiis, ut instar antidoti deserviant; ac unus quisque advertat, non pro consuetudine eas adduci: idque

idque totum quàm brevissimè. Versus illorum utiles sunt: antiqui, liceèt multùm devoti, illis interdum usi fuerunt. Imo & ipse Bernardus: de quo nihil comperti habeo, unde illos didicerit. S. Paulus primus omnium Aratum, & Menandrum citavit. De fabulis in Veterum Sermonibus nunquam quid legi, illa de Ulligè, & Sirenibus excepta, quam Divus Ambrosius in uno sermonum exposuit. Idcirco statuo aut nunquam, aut tam modicè, ut vix ac ne vix quidem adhibitæ videantur. Non decet idolum Dagon, cum Arca fæderis componi.

Quid demum de historiis naturalibus? commodè allegantur, nam mundus verbò Dei factus, hoc verbum ubique spirat: omnia illius opera laudem canunt conditoris. Mundus hic liber magnus est, qui verbum Dei continet, eâ tamen linguâ, quàm non omnes callent. Qui meditando illum capiunt, bene agunt si ad exemplum S. Antonii eo utantur, cui nulla alia erat librorum supellex. Apostolus ait: *Invisibilia Dei per ea, quæ facta sunt, intellecta conspiciuntur.* Et Psalter Regius: *Callicant enarrant gloriam Dei.* Liber hic pro similitudinibus, comparisonibus à minori ad majus, & pro millenis aliis rebus inservit. Antiqui Patres illis affluunt, & Sacri Codices millenis in locis. *Vade ad formicam. Sicut gallina congregat pullos suos. Quemadmodum desiderat Cervus. Quasi Struthio in deserto. Videte lilia agri, & plurima ejusmodi.* Verum super hæc omnia Prædicator caveat falsa miracula, historias ridiculas, & visiones ex quibus-

budam infimæ notæ Authoribus depromptas, sed & res indecentes afferre, quæ ministerium nostrum vituperabile, & despectum reddere possint.

En, quæ de materia in genere dicenda rebar. Superest, ut de illius partibus singillarim tractem. Prima igitur pars sunt loci Scripturæ, qui certò primum locum tenent, & structuræ fundamentum sunt: nam verbum prædicamus, & doctrina nostra in autoritate posita est. *Ipsæ dixit: hæc dicit Dominus:* dicebant Prophetæ. Et ipse Dominus noster: *Doctrina mea non est mea, sed ejus, qui misit me.* Loci tamen singuli, quoad fieri poterit, genuinè, clarè, & bene exponantur. Porro rectus locorum Scripturæ usus hic est, ut eos in uno ex illo quadruplici sensu explicemus, quem veteres sic metricè designarunt.

Litera facta docet, quid credas Allegoria

Quid speres Anagoge, quid agas Tropologia.

Quod ad sensum litteralem attinet; hauriri is debet ex commentariis Doctorum. Hoc totum est, quod dici potest. Concionatoris erit, hinc hausta ornare, verba ipsa, eorumque proprietates, & vim expendere. Exempli causa, *explanavi heri magnum illud mandatum. Diliges Dominum Deum tuum ex toto corde tuo, ex tota anima tua, ex tota mente tua.* Cogitabam cum nostro D. Bernardo *ex toto corde*, idem esse ac fortiter, & ferventer diligere; quod fortitudo sit propria cordis. *Ex tota anima*, affectuosè amare; nam pars inferior animæ sedes est passionum, & affectionum. *Ex tota mente*, esse: spiritualiter, & discre-

tè diligere; quòd mens spiritus sit, & pars superior animæ, ad quam prudentia, & iudicium pertinet, ut *zelum secundum scientiam & discretionem* formet. Similiter verbum *diligere*, expendendum est; nam ab *eligo* derivatum, sensum literalem propriè exprimit: Mandatum scilicet esse, ut nostrum eor, anima nostra, & Spiritus noster Deum rebus omnibus eligendo præferat, in quo verus amor appetitativus consistit; de quo Theologi huius præcepti verba interpretantur. Si quando Patres & Doctores opinione dissident, nunquam illæ opiniones adducendæ sunt, quas refutare oportet: nam non ascendimus cathedram, ut contra Patres & Doctores Catholicos disputemus: non decet revelare infirma Magistrorum nostrorum, & ea, quæ illis ut hominibus exciderunt: *ut sciant gentes, quoniam homines sunt*. Rectè tamen varias interpretationes adduces, singulas laudando, & scitè amplificando: ut quidem nuper tempore jejunii verni ipse feceram, sex opiniones, & expositiones Patrum super his verbis: *Dicite, quia servi inutiles sumus, & super aliis, non est meum dare vobis*, adducendo. Nam si bene memineritis, ex singulis optimas conclusiones duxi: at tamen sensum D. Hilarii, ut mihi videretur, silentiò transivi: aut si non feci facere debuisssem, quòd probabilis non fuerit.

Pro Allegorico sensu quatuor, aut quinque capita prædicator observet. Primum: sensum Allegoricum non nimis longè accersitum adhibeat, ad illorum normam qui res omnes Allegoricè adumbrare solent: sed talem, qui à natura ex litera fluat; quomodo Paulus ab Esau & Jacob,

cob, ad populum Judaicum & gentilem Allegoriam traxit: & de Sion, aut Jerusalem ad Ecclesiam. Alterum: ubi non est verisimillimum, quod res una typus alterius fuerit, nolim locum unum ut alterius figuram, sed simpliciter ad modum comparationis adhiberi. Exemplo sit: plures in Junipero, sub qua Elias angore oppressus obdormivit, allegoricè Crucem Domini representatam docent; mallem dicere: ut Elias sub Junipero obdormivit, ita nos sub cruce Domini somnò Sanctæ meditationis requiescere convenit, non verò, quod Elias hominem Christianum Juniperus crucem significet: nolim enim asseverare, quod illa hanc denotet, alteram tamen cum altera rectè comparari censo: hac enim ratione discursus firmior erit, & reprehensioni minùs obnoxius. Tertium: Allegoria decens sit. In quo plures redargui conmeremur, qui prohibitionem in Scriptura factam, ne femina inter virorum duorum jurgia maris verenda apprehendat. *Deut: 25.* Allegoricè exponunt de malo, quod Synagoga facit dum genibus suam Originem exprobrat, quodque filii Abraham non sint. Nam licet aliqua forte subit species probabilitatis, indecens tamen est; quod hæc prohibitio periculosa animos Auditorum ideâ inficere possit. Quartum: Allegoriæ non sint longæ; nam prolixitate gratiam amittunt, & in affedationem tendere videntur. Postremum: applicatio clara sit, ut facillè capiatur, magnoque cum judicio fiat, partem ad partem dextre referendo. Eadem ferè regulæ in sensu Anagogico & Tropologico observandæ: quorum prior historias scripturæ ad æternam, quam speramus, vitam,

vitam, alter ad animum & morum instructionem refert. Subjungo exemplum, quod ad quadruplicem hunc sensum opportunum erit. Verba Dei de Esau, & Jacob loquentis: *dua gentes dunt in utero tuo, & duo populi ex utero tuo dividuntur, populusque populum superabit, & major serviet minori.* Gen: 25. ad litteram intelligenda sunt de duobus populis, secundum carnem ex Esau, & Jacob ortis, de Idumæis scilicet & Israelitis: quorum minor Israelitæ, natu majorem Idumæos, tempore Davidis, superavit. Allegoricè, Esau præfigurat populum Judaicum, natu majorem in cognitione salutis; illi enim primò Evangelium promulgatum fuit: Jacob representat Gentiles, natu minores, qui tamen Judæis demum excelluerunt. Anagogicè, Esau denotat corpus, ut pote natu majus; priusquam enim anima crearetur, corpus, & in Protoparente, & in nobis formatum fuit: Jacob typum refert animæ, natu minoris. In futura vita Spiritus antecellet corpori, eique dominabitur, quod tum illi sine contradictione plenissimè serviet. Tropologicè, Esau est amor proprius, Jacob amor Dei in animis nostris. Ille natu major est, ut pote nobiscum ortus, hic minor, nam nonnisi per Sacramenta & pænitentiam comparatur; nihilominus convenit, ut amor Dei in animo imperium teneat. Porro quadruplex hic sensus amplam, & insignem materiam sermonis suppeditat, & audientes mirè illustrat, ut doctrinam bene capiant: Hinc illos adhibere oportet, iis conditionibus, quas pro recto Allegorici sensus usu proposui.

Post

Post Scripturam Patrum, & Conciliorum sententiæ eminent. De his id solum observo, non nisi rarò, easque breves, acres, & ponderosas deligendas esse. Prædicatores, qui longas afferunt, fervorem, & attentionem plurimorum Auditorum ad languorem adigunt, seque ipsos periculo exponunt, memoriâ vacillandi. Breves, & ponderosæ sententiæ ejus generis sunt, quales hæc D. Augustini: *Qui fecit te sine te, non salvabit te, sine te*: & altera: *qui veniam pœnitentibus promisit, tempus pœnitendi non promisit*. In Bernardo nostro infinita occurrit ejusmodi textuum copia: oportet tamen illos latinè adductos sermone patrio nervoso reddere, & paraphrasi, seu pleniore interpretatione explicare.

Sententias sequuntur rationes; quibûs, qui ingenio valent, perbene utentur, easque in libris Doctorum, singulariter vero D. Thomæ faciliùs, quàm alibi reperient. Rectè deductæ materiam satis utilem subministrant. Si de virtute quadam differere velis, consule, summam D. Thomæ inspicere, ubi de illa disputet; observa quid doceat; & plures rationes invenies, quæ pro sermonis argumento servient. Attamen sub illius finem hæc materia adhiberi non debet, nisi quis sciat clarè illam proponere, ut ab Auditorio saltèm mediocri nullo labore teneatur.

Exempla vim miram habent, magnumque sermoni gustum præbent, siquidem ad rem faciunt, & bene proposita, rectè accommodantur. Deligendæ sunt historiæ illustres, dilucidè autem, & distinctè proponi, & ad argumentum aptè

aptè accommodari debent, ad exemplum Patrum, dum Abrahamum exhibent, filium suum immolantem, ut ostendant, quòd nulli rei parcendum sit, ad Dei voluntatem implendam. Omnia enim sigillatim enarrant, quæ Patriarchæ hujus obedientiam commendant. Abraham, inquit, senecio, Abraham, qui non habebat, nisi hunc, adeo speciosum, prudentem, probum, & amabilem filium, nihilominus absque contradictione, querela, aut cunctatione, montem conscendit, ut suis manibus illum immolet. Imo excitatus accomodant: & tu Christiane, tantopere cunctaris, non dico filium, aut filiam, non facultates tuas, aut majorem illarum partem, sed vel nummum, ut Dei amore pauperi subvenias: vel unicam relaxationis tuæ horulam, ut Deo servias: unicam levem affectionem immolare.

Abstinendum tamen à descriptionibus inutilibus, & flaccidis, quas Tyrones plures adhibent, qui pro eo quòd historiam nudè, & ad morum eruditionem proponant, divagantur: & Jsaaci venustatem, Abrahami præacutum ferrum, ambitum loci, & hujusmodi inepta describunt. Insuper exemplum non ita strictim proponatur, ut non moveat, neque adeo producit, ut tædium pariat. Præterea nulla fiat introductio personarum historię, inter se mutuo colloquentium, nisi verba ex ipsis scripturis desumantur, aut veri simililima sint. Ut in præsentī historia ineptum foret, Jsaacum super strue lignorum lamentantem, & Patris commiserationem implorantem inducere, ut vitam servet: aut Abrahamum intra se luctantem, & gementem; nam injuria utriusque forti animo fieret.

fieret. Similiter hi ; quibus meditando studium collocaiones suggerit , duas in prædicatione regulas teneant : unam quidem ; ut observent , num super apparenti quadam probabilitate fundatæ sint : alteram ; ne illas longius producant. Nam & Orator , & Auditores inde refrigescunt. Exempla Sanctorum miræ virtutis sunt ; præcipuè popularium illius Regionis , in qua prædicatur , ut Bernardi Divione in Burgundia.

Supereſt , ut de ſimilitudinibus pauca ſubiciam. Incredibilem hæc vim habent , ad intellectum illuminandum , & movendam voluntatem. Deſumuntur ex humanis actionibus , alteram cum altera comparando. Ut quæ Paſtores faciunt , cum his , quæ Præſules , & Paſtores animarum facere convenit ; ad exemplum , quò Dominus in parabola ovis perditæ uſus fuit : ex hſtoriis naturalibus , herbis , plantis , animalibus , ex Philoſophia , denique ex omnibus.

Similitudines rerum trivialium rectè applicatæ eximie ſunt , ut illa Domini in parabola de ſemine ; ex hſtoriis naturalibus de ſumptæ , ſi quædam hſtoria elegans ſit , & bene applicata , mirè ſermonem ornant ; ut illa ſcripturæ , de renovatione Aquilæ , quâ peccator penitentia innovatus exhibetur.

Porro in his ſecretum eſt Prædicatoribus valde proficium : ſimilitudines videlicet quasdam ex certis ſcripturæ locis depromptas adducere , quas perpauci observant ; id quod verborum conſideratione fieri ſolet. Exemplo ſint verba Davidis , de mundi ſectatoribus dicentis : *Pertit*

memo-

memoria eorum cum sonitu. Duas similitudines ex totidem rebus sumo, quæ cum sonitu pereunt. Dum vitrum frangitur, perit cum sonitu: ita improbi cum modico, & breviremore pereunt; fit quidem de illis sermo, dum è vita excedunt: verum ut vitrum fractum prorsus inutile est, ita hi infelices absque spe salutis æternum pereunt. Altera est: dum dives quidam emoritur, omne æscamparum pulsatur, pompâ maximâ funus effertur: sed finito pulsu, quis illi requiem precatur? quis de illo loquitur? nemo. D. Paulus de homine, qui charitate destitutus, pietatis officia præstat, ait: *Factus est sicut æsonans, aut cymbalum tinniens.* Ab ære campano similitudo sumitur, quod alios ad templum vocat, quin illud unquam ingrediatur: ita pariter, qui sine charitate virtutem colit, aliis exemplò ad pietatem præit, & illos ad cælum incitat, quod ipse non intrat. Porro ad inveniendum has similitudines, verba expendi debent, nisi Metaphorica sint; hæc enim similitudinem ultro offerunt. Pro exemplo sit illud Psalmi. *Viam mandatorum tuorum cucurri, cum dilatâsti cor meum.* Consideranda hic sunt verba *dilatâsti* & *cucurri* nam metaphoricè sumuntur. Inquirendæ hic res, quæ per dilatationem celerius incedunt, & reperies quasdam, ut navigia, dum ventus illorum vela extendit. Naves enim dum in porru otiantur, mox ut aura propitiâ illarum velis se insinuat, eaque implet, in altum provehuntur: ita certò fit, dum ventus secundus Spiritus S. corda nostra subintrat, anima currit, & ple-

nis velis agitur in mari mandatorum. Hac ratione, qui studiosè verba notat, multas & aptas similitudines formabit: in quibus tamen observanda decentia, nequid vile, abjectum aut sordidum dicatur.

Postremò existimo, quod scripturà per applicationem rectè utamur, & si frequenter id, quod ex illa deducitur, proprius illius sensus non sit: uti S. Franciscus eleemosynam, *pau-
perem Angelorum* appellavit, quòd Angeli inspirationibus suis ad illam largiendam stimulent, adhibendo in eum finem verba Psalmi: *Panem Angelorum manducavit homo*. Quo tamen in genere magno iudicio, & delectu opus est.

De Materiæ dispositione.

IN primis via, & methodus certa tenenda est. Nihil enim adeo Prædicatorem juvat, nihil sermonem magis proficuum reddit, vel Auditores plus oblectat.

Porro Methodum claram desidero, manifestam, & nullatenus reconditam, ut plures facere solent, existimantes singularem Magistri artem esse, si sic dicendi modum teger, ut nemo intelligat. Quæso, cui commode erit modus, si non capiatur ab Audiente? Ut in hoc te juvem, de singulis materiis loquar, puta, si sermonem habere cogites, aut de historia, vg. Nativitatis, Resurrectoinis, Ascensionis; aut de aliqua scripturæ sententia, vg. *Omnis, qui se exaltat, humiliabitur*: vel de Evangelio integro, in quo plures sententia

tia occurrunt : aut de vita Sancti cum sententia.

Quandocunque historia argumentum sermonis est, unus ex his modis adhibendus.

1. Expende, quot personæ in illa numerentur; dein deduc ex singulis considerationem. Sic in Resurrectione Dominica video Marias, Angelos, sepulchri custodes; & dulcissimum Servatorem nostrum. In mulieribus sanctis observo fervorem, & diligentiam: in Angelis gaudium, & jubilationem ob vestitum candidum, & fulgorem: in custodibus infirmitatem hominum contra Deum quid molientium: in Jesu gloriam, de morte triumphum, & spem nostræ resurrectionis.

2. In Mysteriis pars principalis assumi poterit, ut quidem in præcedenti exemplo Resurrectionis ea expendi, quæ præcesserunt, & quæ secuta sunt. Resurrectionem præcessit mors, descensio ad inferos, liberatio Patrum in sinu Abrahamæ detentorum, Judæorum metus, ne corpus Jesu furtim tollatur; Resurrectio ipsa in corpore beato, & glorioso. Illam consecuta sunt, terræ motus, visio, & apparitio Angelorum, feminae Christum requirentes, Angelorum responsum: In omnibus his mira, & varia offēdēs, quæ concinno ordine exponi possunt.

3. In Singulis Mysteriis considera: Quis? cur? quomodo? ut in Resurrectione: quis surrexit? Dominus. Cur? propter suam gloriam & nostrum bonum. Quomodo? gloriosus, immortalis &c. In Nativitate, quis natus fuit? Salvator. Cur? ut nos salvet. Quomodo?

do? in extrema paupertate, frigore, nuditate, in stabulo, Infans. Post historiam brevi paraphrasi explanatam, tres quandoque, aut quatuor meditationes ex illa rectè deducuntur. Prima, quid nos doceat ad fidem firmandam: secunda, ad spem augendam, tertia ad charitatem inflammandam: ultima, quid imitandum nobis, & perficiendum sit. In exemplo Resurrectionis Jesu Christi quod ad fidem spectat; cernimus Dei omnipotentiam, corpus sepulchri lapidem penetrans, immortale, impassibile, & totum spirituale redditum. Quam firmiter itaque credendum, idem corpus in S. Sacramento nullum locum occupare, specierum fractione non lædi; & licèt realiter, attamen spirituali quodam modo in illo esse? Spes nostra corroboratur; *Si Christus resurrexit, & nos resurgemus.* S. Paulus. Ille nobis viam stravit. Charitatem suam demonstravit, dum in carne gloriosa dies quadraginta in hoc mundo remansit, ut Ecclesiam instruat; & pro nostro commodo distulit in cælum redire. Quantus amor! Pro imitatione: resurrexit die tertia; utinam & nos resurgamus contritione, confessione & satisfactione! lapidem penetrat; ut & nos omnes difficultates vincamus. Quoties sententiam pro sermonis argumento deligis, perpende, ad quam virtutem se referat: ut illa, *qui se humiliat, exaltabitur.* Hæc humilitatem satis apertè exprimit. Aliæ è contrario materiam non ita palam declarant; ut: *Quomodo huc intrâsti, non habens vestem nuptialem?* En hîc designatur charitas, sed operata veste, nam vestis nuptialis

lis charitas est. Ubi igitur in sententia delecta virtutem tenueris, ad quam collineat, sermonem tuum sequenti modo deduces; considerando videlicet, in quo hæc virtus sita sit, quæ illius vera signa, qui effectus, quibus rebus comparetur, aut perficiatur; qua quidem methodo semper usus fui, magnumque mihi solatium attulit, quod in librum P. Rosignoli è S. J. inciderim, huic methodo consonum, qui de *actionibus virtutum* inscriptus, & Venetiis editus, multæ tibi utilitati erit.

Est & alius modus, de virtutibus agendi; nempe in illis honestum, utile, & jucundum exhibendo: quæ tria bona desiderari solent. Alter demum est ostendere, quæ bona virtus, quæque mala vitium illi oppositum pariat: verum huic modo priorem antepono.

Si Evangelium, in quo plures sententiæ occurrunt, explanare cogites, illas seligere oportet, in quibus hæere velis; ut & virtutes, de quibus agunt, & juxta modum de una sententia à me paulò ante expositum, eas breviter explicare, reliquas verò cursim percensere, & strictim interpretari. Ex hoc tamen modo Evangelium, sententiis gravibus plenum, leviter transeundi, exiguus fructus consequetur, quo minus enim Orator in singulis sententiis sistit, tanto minus sensum suum exponet, & Auditorum animis inculcabit.

Ad vitam Sancti exhibendam diversæ viæ sunt. Quam in Oratione funebri Ducis Mercurii

curii tenui, *bona est* : quia ex Apostolo accepta : ut *piè* erga Deum , *sobriè* erga se ipsum , *iuste* erga proximum vixerit : exponendo ordine certo singulas Divi actiones. Aut considerare , quid fecerit : *agendo* , scilicet virtutes ? *Patiendo* , tolerantiam Martyrii , vel mortificationum : *Orando* , illius prodigia.

Aut expendere , qua animi fortitudine cum dæmone , mundo , & carne , sive cum superbia , avaritia , & carnis cupiditate conflixerit , secundum illud Joannis : *Omne , quod est in mundo , aut est concupiscentia carnis &c.* Vel , quod in sermone de S. Bernardo Fontonis habito feci , docere , quis honor Deo in Sancto suo , quis honor Sancto in Deo suo habendus sit : quomodo divinam opem per deprecationem illius implorare debeamus. *Ita* vitam Sancti , de quo sermo sit , deliberare , omniaque ordinatè disponere.

Et hæc hætenus de modo , quo , ubi initium dicendi feceris , post breve exercitium aliorum ipse Author eris , qui tibi aptiores , & meliores videbuntur. Unum superest ; nempe quod desiderem scripturæ sententias primò locò , alterò rationes , tertiò similitudines , ultimò exempla , si quædam sacra sint , poni ; non enim convenit profanis discursum firmare : Sermo Sacer re Sacra absolvi debet.

Similiter methodus petit , ut sermonis initium usque ad medium Auditorem doceat , reliqua pars usque ad finem moveat. Idcirco sermones excitandis affectibus idonei sub Epilogum locandi sunt. Verum post hæc omnia
restat ,

restat, ut exponam, qua ratione singula tui sermonis capita complere valeas, & ecce modum. Exempli causa, si de virtute humilitatis sermo sit, dispone puncta sequenti ratione.

1. In quo hæc virtus sita sit.

2. Illius signa.

3. Effectus.

4. Subsidia illam comparandi.

En dispositionem. Ad conficiendam primam partem, quære in Authorum indicibus verba: *Humilitas, humilis, superbia, superbus*. Invenies illorum super his sensa: & quas descriptiones, aut definitiones repereris, pone infra titulum: in quo virtus sita sit, studeque hoc caput bene explicare, declarando vitii oppositi naturam. Ut alterum membrum absolvas, vide in indice, *humilitas Sancta, humilitas indiscreta*, & horum similia; & ex his dissimilitudinem ostende inter falsam, & veram humilitatem. Si quæ hujus, & illius exempla reperis, adduc ea; & ita de reliquis duobus punctis. *Intelligenti pauca*

Authores, qui has materias pertractant, sunt: D. Thomas D. Antonius, Guilielmus Episcopus Lugdunensis in summa de virtutibus, & vitiis, summa Prædicantium Philippi Diez, & omnes illius sermones, Osorius, Granatensis in suis operibus spiritualibus, Hy-laretus in sermonibus, Atilla in Lucam, Salmeron, & Barradius è Soc. Jesu in Evangelia. Inter veteres S. Gregorius excellit, & Chrysostomus cum Bernardo. Addo tamen sensum meum. Inter omnes, qui sermones ediderunt, Diezium summopere probo, etenim
styli

styli genus in illo apertum, prædicationis spiritu plenus, argumentum sermonis bene inculcat, locos aptè explicat; elegantes allegorias, similitudines, & hypotheses nervosas adfert; occasionem capiat ornatè dicendi: ad hæc multum devotus, & dilucidus est. Quod Osorius habet, in Diezio desideratur; scilicet ordo, & modus: neutrum enim tenet; mihi tamen videtur, è re nostra futurum, si initio familiarem nobis illum reddiderimus. Non verò hæc usus experiendo me docuit, cùm illius scripta non nisi interjecto longo tempore viderim; sed quia talem æstimo, & ut mihi videtur, non me fallo. Hispanus quidam magnum edidit librum, *Sylva allegoriarum* inscriptum, valde utilem iis, qui eduti norunt. Concordantiæ Benedicti commendatione non egent. Hæc habui, quæ præcipuè de materia dicenda mihi occurrerunt.

De Forma, seu de modo dicendi.

Hic majorem mihi à te, quàm in aliis, fidem haberi desidero, à communi enim opinione recedo: attamen quod dico, veritas ipsa est.

Secundùm Philosophum forma dat esse, & animam rebus. Dic mira; si non bene dicis, nihil dicis; dic pauca, & hæc bene, multum præstitisti. Quo igitur modo in concione dicendum? abstinendum est à *quanquam*, longis videlicet affectatæ eloquentiæ periodis, ineptis gestibus, & motibus. Omnia hæc pestis sunt concionis.

Actio

Actio debet esse libera, nobilis, animosa, simplex, fortis, sancta, gravis, & aliquantum lenta. Sed quibus præfidiis acquiratur petitis? oportet affectuose, devote, simpliciter, candidè, & cum fiducia dicere; oportet, ut de doctrina, quam tradimus, & de his, quæ aliis suademus, ipsi persuasi simus. Ars præcipua est artem nullam habere, Verba nostra accensa sint non à clamore, aut immoderatis actionibus, sed ab interno affectu: plus ex corde, quàm ab ore procedere debent: in cassum dicis; cor tantum loquitur cordi, lingua solum auribus.

Dixi actionem debere liberam esse, id est, inaccessibilem. Nobilem petii; contra rusticam quorundam actionem, qui in more habent pugnis, & pedibus cathedram tundere, pectore incumbere, clamare, & horridos ululatus edere, idque frequenter extra rem. Animosa sit; contra illos, qui timidè dicunt; quasi parentibus suis, non discipulis & filiis loquerentur. Simplex; id est absque artificio, & affectatione, Fortis; contra certam actionem emortuam, mollem, & exsuccam. Sancta; ad excludendam assentationem, & profanam alienæ gratiæ captationem. Gravis; contra illos, qui multoties capitis, & birreti demissione populum reverenter salutant, mimos gestu imitantur, manus, & superpelliceum explicant, aliosque indecentes motus faciunt. Aliquantum lenta; ad excludendum omnem actionem levem, & festinam, quæ plus oblectat oculos, quàm cor moveat. Idioma pariter sit clarum, nitidum, & populare, absque

que jactantia verborum Græcorum , Hebræorum , recentium , & affectatorum.

Contextus sermonis sit simplex , sine prafatione , sine artificiosa connexione. Id probo , ut ad primum caput dicatur , primò : ad alterum : secundò : ut populus ordinem observet.

Cæterum , neminem unum , præcipuè Episcopos , decet ad gratiam illorum loqui , qui sermoni intersunt ; sive Reges sint , sive Principes , aut Pontifices. Sunt quidem certi dicendi modi , ad benevolentiam conciliandam apti , quos in primo ad populum sermone adhibere , & quibus desiderium significare valemus , illius bonum , & salutem omni studio curandi : assentio pariter salutatione , & benedictione sermonem inchoandum esse ; sed hæc omnia strictim , cum candore animi , & absque comptis verbis. Antiqui Patres , & quotquot cum Auditorum profectu dicebant , à nugis , & elegantia profana abstinuerunt. Loquebantur ex corde ad cor , spiritu ad spiritum , ut boni parentes cum filiis sermones conferre solent.

Ordinaria nuncupatio sit : mei fratres , populus meus (siquidem tuus est) dilectus populus , Christiani Auditores.

Episcopi Officium est , sub finem capite recto benedictionem impertiri , & sermonem conficere populum salutando. Conclusio fiat verbis , & sententiis concisis , nervosis , & vividis ; Probo pariter frequentem antea dictorum repetitionem , post quam quatuor , aut quinque

quinque verba vel per modum orationis ,
aut imprecationis cum fervore annectenda.

Multum pariter confert, certas exclamatio-
nes sibi familiares reddere, siquidem cum ju-
dicio adhibeantur; ut: o Deus! Bone De-
us! Dei bonitas! Dominus Deus! verus Deus!
ah! heu! Deus meus!

Ut nos ad sermonem ritè paremus, expe-
cto, ut præparatio sub vespere fiat, & ut
mane id, quod dicere cogitamus, meditatio-
ne nobiscum volvamus. Præparationem ex
mente Granatensis coram SS. Sacramento po-
tissimum adhibendam esse, lubens credo.

Laudo concionem, quæ amorem proximi plus,
quàm indignationem redolet, etiam erga se-
ctarios; quibuscum magna cum commi-
seratione agendum, non quidem blandien-
do, sed cæcitatem illorum deplorando.

Præstat, sermonem brevem, quàm lon-
gum esse, in quo hætenus peccavi. Licet
semihora duntaxat duret, sat longus est.
Si fieri possit, offensionem nunquam teste-
tur; nullam saltèm indignationem: ut fe-
ci in Virginis festivitate, dum campana
pulsaretur, antequam finire: in quo,
ut in aliis pluribus absque dubio lapsus
fui.

Non amo facetias, aut ex contumelia indi-
ta cognomina, quibus nullus hic locus.

Claudo dicendo, quod prædicatio sit publi-
catio, & declaratio Divinæ voluntatis, ho-
minibus ab illo facta, qui ad hoc munus le-
gitimè missus est; ut illos erudiat, & move-

at,

at, ut Deo in hac mortali vita dignè serviant,
& in æterna illo fruantur.

Quis de his sensus tuus, Domine? Ignosce, obsecro, veloci calamò scripsi, nihil sollicitus de verbis, nihil de arte, unicè cupidus testificandi, quàm promptus tibi obediam. Non expressi Auctores, quos certis in partibus attuli; quia ruri eram, ubi Libri deficiebant. Allegavi ipsum me, opinionem enim meam scire petisti, non alienam: & cur non animò aperto dicam, quod ipse facere assuevi? Priusquam hanc Equistolam obſignem, conjuro te, ne illam sub aspectum cujuspiam subicias, cujus oculi mihi minùs faventes sunt, quàm tui: demissè obtestans, ne te ab ullo genere considerationis abripi sinas, quæ à prædicando te impedire, aut retardare possit.

Quantò citius inceperis, tanto citius res bene & feliciter succedet: & unicus modus, ut quis in prædicando Magister evadat, est: frequenter prædicare. Domine, hoc scis, & debes. Vox tua apta est, doctrina ad hoc munus sufficiens, corporis tui compositio congruens, dignitas tua in Ecclesia sublimis; Deus vult, homines id expectant. Dei gloria, & tua salus id petunt.

Fidenter, Domine, & forti animo pro Dei amore. Cardinalis Borromæus dotibùs, quas tu possides à natura, ne decimam partem instructus, Sacris concionibùs populum exhortatur, exemplò ad virtutem prælucet, Sanctimoniam assequitur. Non nostrum sed Dei honorem in omnibus quæramus, & Deo omnia committamus; ipse nostrum quæret. Fac initi-

nitium semel , dum S. Ordines confers ; tum alia vice dic quatuor verba , quando caelesti pane tuos reficis ; post octo , subinde duodecim , donec sermo ad horam dimidiam excre-
scat : post hæc suggestum ascende.

Amori nihil impossibile est. Dominus noster non requirebat ex Petro , esne doctus , aut eloquens. Ut illi diceret *Pasce oves meas* ; sed : *amas me* ? satis est bene diligere , ut bene dicamus. Joannes in ultima senectute non poterat in plura vocem verba contexere , quàm centies infra horæ quadrantem repetere : *Filioli , diligite alterutrum*. Et cum hoc apparatu suggestum ascendit. Et nos angimur illud conscendere , nisi summâ copiâ dicendi instructi simus. Sine illos loqui , qui fortè Decessoris tui peritiam laudabunt ; etiam illè , æquè ut tu , semel incepit.

Verùm bone Deus ! quid de me dices , dum tecum tam candidè , & sincerè ago ? Nescit amor filere , ubi de amati commodo agitur. Domine fidelitatem juravi tibi , & à servo fideli , & intimè addicto multa ferre suevinus. Ad gregem tuum te confers ; utinam mihi liceret cò currere , ut tibi assistam , ut primam Deo hostiam litanti additi. Saltem me illo votis , & desideriis tibi comitem adjungam. Populus tuus expectat te videre , à te videri , & iterum videri. Ex initiis tuis de futuro judicium feret. Incipe tempestivè facere , quod semper faciendum est. Quàm bono tuis exemplo erit , quanto solatio ; ubi te pro illorum salute frequenter conspicient ad Aram sacris operantem , de illorum spiritua-

li profectu, cum Clero conferentem, ex sug-
gestu de rebus Divinis, & penitentia sermo-
nem habentem. Nunquam rem Divinam fe-
ci, quin Deo te commendarem, nimium fe-
licem me, si quidem dignum æstimes, cu-
jus ad Altare Domini memoriam habeas. Sum,
& ero, dum vivam, ex corde, anima, &
spiritu, Tuus,

P I N I S.



PROPOSITIONES THEOLOGICÆ.

I. **T**heologia seu facultas, quæ de Deo rebusque divinis tractat, quantum ad substantiam spectata, necessaria est simpliciter toti Ecclesiæ, non tamen singulis fidelibus. Vera sapientia, & vera scientia est, at non certior omni habitu, & omni naturali scientia.

II. Objectum attributionis Theologiæ Deus est, cujus innata idea nulla datur, existentia verò Ejus licet non à priori, demonstratur tamen à posteriori ita sufficienter: ut nullum sit delirum systema Immaterialistarum Parentis Berkei, nullum impium & vesanum Epicuri, nullum, qui omnia volunt esse Deum, & Deum esse omnia, Pantheistarum.

III. Non intellectio, non infinitas, sed omnimoda aseititas, specifica differentia Dei est; cujus attributa, tum absoluta adinvicem, tum relativa ad essentiam comparata, nulla reali, nequidem formali, sed distinguuntur sola distinctione virtuali.

IV. Unicus Deus est, nec admittenda sunt duo summa rerum principia. Purus Spiritus est omnisque compositionis physicæ, at non metaphysicæ expers. Est actu & simpliciter infinitus, formaliter perfectiones simpliciter sim-
A plices,

plices, eminenter verò perfectiones secundum quid continet. Solus est æternus, immensus, estque in decretis suis omnino immutabilis, non potest videri oculo corporeo, nec per solas naturæ vires ab intellectu creato, at intuitivè ab eodem potest videri, supernaturaliter tamen adjuto, quæ nemini mortalium visio in vivis fuit concessa, nec est in omnibus Sanctis æqualis.

V. Sanctorum animæ, quibus nihil expiandum superest, ad visionem Dei intuitivam statim admittuntur, confictum autem, prorsus rejiciendum est mille annorum post resurrectionem Christi, regnum; de eo Joannes XXII. quæminus cautè protulerat, morti proximus, ea omnia revocavit.

VI. Cognoscit Deus certissimè futura omnia contingentia & libera, cognoscit & futura conditionata, at quo in medio videat Deus futura libera, tum absoluta, tum conditionata, vix ac ne vix quidem explicari potest.

VII. Opinio de Scientia media philosophicè spectata, prout ab iis agitur, qui prædeterminantia decreta rejiciunt, mera quæstio de nomine est; sed talis non est, spectata theologicè, seu eos inter, qui decreta, ab intrinseco efficacia admittunt, hoc etenim sensu sumpta, ut non levibus fulcitur, sic & gravibus impugnantur momentis.

VIII. De fide est Deum, supposito etiam originali peccato, velle vera & sincera voluntate aliquorum aliorum, quàm prædestinatorum salutem, ita, ut illis conferat auxilia verè sufficientia, quibus salutem consequi possint; quod verò velit omnium ac singulorum salutem volunta-

luntate sincera & actuosa supposito originali peccato, suppositis etiam actualis concupiscentiæ gradibus æquè indubitatum; hinc de fide esse, Christum pro aliorum, quàm prædestinatorum æterna salute mortuum fuisse; indubitatum verò pro omnium ac singulorum, non solum sufficientia pretii oblatis, sed etiam voluntate offerentis, eoque animò sanguinem suum Patri obtulisse, ut ipsis mereretur gratias ad salutem verè & relativè sufficientes, consequi clarum est.

IX. Prædestinatio ad primam gratiam gratuita est, gratuita ad gloriam, unde sufficienter probetur, nihil in scripturis est, quam Augustinus si talem docuit, nec docuit semper, nec docuit tanquam rem maximi momenti; Augustinò autem antiquiores Patres plus favent prædestinationi prævisæ, quàm gratuita.

X. Deus neminem positivè reprobatur ex sola beneplacito, vel ex prævisione solius peccati originalis; nec etiam ex eodem beneplacito, & ante prævisum quodcunque peccatum negativè excludit hominem à gloria; adultos baptisatos non reprobatur negative ob originale peccatum, unica reprobationis eorum tum positivæ, tum negativæ causa est, peccatum actuale prævisum.

XI. Sanctissimæ Trinitatis mysterium sola ratione duce, etiam supposita fide demonstrari non potest positivè, potest tamen negativè; ejus aperta cognitio ac professio ad salutem prorsus necessaria est.

XII. Tres sunt in Deo personæ, realiter distinctæ, in una & eadem numero divina substantia. Pater secundum se est Deus, consub-

stantialis eidem Filius, vera ac per se subsistens Persona, Spiritus Sanctus.

XIII. Vera & propriè dicta datur in Deo processio, eaque duplex est, cujus principium quò proximum & immediatum, non est per se essentia divina, præcisè per mentem intellectu & voluntate, non solæ relationes Divinæ; sed intellectus & voluntas, cum notionaliter sumuntur, hoc est: quatenus adjunctas habent relationes sibi proprias.

XIV. De fide est processioem verbi Divini, generationem dici debere, cur hæc sola sic dicenda sit, nulla ratio afferri potest unde quaque satisfaciens.

XV. Nulla est in Deo subsistentia communis absoluta, sed sunt tres relativæ, quæcunque verò absoluta sunt, tribus divinis personis communia sunt.

XVI. Verbum Divinum procedit essentialiter ex cognitione eorum omnium, quæ sunt in Deo formaliter, ac necessario, non procedit verò ex cognitione creaturarum in certa temporis differentia existentium.

XVII. Spiritus S. à Patre & Filio tanquam ab uno principio procedit, à Filio si non procederet, ab illo nullatenus distingueretur, cumque suum esse subsistens ex Patre simul & Filio habeat, jure ac meritò addita fuit Symbolo Constantinopolitano particula *Filioque*.

XVIII. Mysterium Incarnationis sive ante, sive post revelationem, sola ratione naturali positivè demonstrari non potest, sed negativè duntaxat. Angeli boni, & futurum, & factum agnovère. Patriarchis & Prophetis futurum innotuit.

XIX. Inviçtè contra Judæos, tum ex Jacobo, quod in Christo est adimpletum vaticinio, tum ex multiplici alia, præsertim ex Danielis prophetia (cujus septuaginta hebdomades ab anno vigesimo Artaxerxis Longimani, non autem ab edicto Cyri annò ipsius regni primò, aut ab edicto Darii Hystaspis; aut ab eo, quod tulit Artaxerxes, annò regni septimo, sunt inchoandæ) demonstratur jam diu advenissè promissum Messiam, Eumque non alium esse à Jesu Nazareno Christianæ religionis Authore.

XX. Incarnatio Verbi necessaria non fuit ex hypothese creationis mundi; nec ex hypothese lapsûs, generis humani in peccatum necessitate absoluta & simplici, sed ex quadam duntaxat congruitate.

XXI. Nulla pura creatura condignè potest satisfacere Deo pro suo vel alieno peccato mortali, solius Christi satisfactio fuit intrinsecè æquivalens, immo & super abundans; Qui verè & propriè divinæ justitiæ pro nobis satisfecit.

XXII. Humani generis redemptio totale fuit motivum Incarnationis, cujus substantiam de condigno nec Patriarchæ, nec cæteri veteris testamenti meruerunt Patres; ipsa Beata Virgo meruit quidem de condigno illum sanctitatis gradum, quò positò electa est in matrem Dei, haud tamen ipsam maternitatem; immo nec humanitas Christi in priori naturæ instanti ad unionem, nec Christus ipse meruit hypostaticam unionem, quæ, non in natura sed in persona propriè ac immediatè facta, est perpetua & indissolubilis, cujusque vi una est in Christo persona; (unde consequenter Beata Virgo verè Dei genitrix est, & dicitur, ex qua Verbum divi-

divinum veram, nobisque consubstantialem humanitatem, eo instanti, quo operante Spiritu S. concepta fuit, assumpsit, inviolata permanente Mariæ, sive ante partum, sive in partu, sive post partum virginitate) duæ autem post unionem distinctæ & inconfusæ naturæ, divina scilicet & humana, utraque cum suis proprietatibus; duplex voluntas & operatio.

XXIII. Nestorius legitimè ac canonicè ab Ephesina Synodo damnatus, ac depositus fuit. Joannes Antiochenus cum suis Orientalibus personæ duntaxat Nestorii, non ejus errori adhaesit. S. Cyrillus Nestorium impugnans in oppositum Apollinaris errorem lapsus non fuit, ejusque scripta ab omni erroris labe aliena sunt.

XXIV. Admittenda est in Christo idiomatum communicatio in concreto seu respectu personæ, non est verò admittenda in abstracto proprietatum naturæ divinæ respectu humanæ; multò minus proprietatum naturæ humanæ respectu divinæ. Unde prorsus falsæ sunt istæ propositiones scholæ Lutheri: *Humanitas Christi est ubique, omnipotens. &c.*

XXV. Nulla ratione, nequidem sub expressa humanitatis restrictione, Christus Filius Dei adoptivus dici debet; cujus natura humana hypostaticè Verbo conjuncta, una & eadem cum divinitate Verbi adoratione colenda est.

XXVI. Gratia, quæ donum est supernaturale, creaturæ intellectuali gratiæ à Deo concessum in ordine ad vitam æternam, à Pelagio tandem aliquando interior illustrationis, tum ex parte Objecti melius propositi, tum ex parte intellectus divinitus ad credendum adjuti; at nusquam interna voluntatis ad opus bonum
sive

sive inchoandum, sive etiam perficiendum, antequam condemnaretur à Zozimo, admissa, quam post decretum Laudati Pontificis, Julianus Pelagii discipulus admisit, non ex se efficacem, aut etiam relativè ac necessariò determinantem, ut contendebat Jansenius, sed meram versatilem, voluntatisque libero arbitrio prorsus permissam.

XXVII. Semipelagiani omnes gratiæ interioris necessitatem ad initium fidei negaverunt.

XXVIII. Prædestinatiana hæresis non fuit commentitia, ut placuit Jansenio, sed verè sub finem sæculi V. à Lucido Præsbytero, & aliis propugnata, quam sopitam Gotescalcus sæculò IX. exsuscitavit.

XXIX. Bulla. *In eminenti* Urbani VIII. in causa Baji non est subreptitia, quoad doctrinam spectata, summum est, ac irreformabile Ecclesiæ judicium.

XXX. Quinque propositiones fuerunt damnatæ in sensu Jansenii, idque canonicè, canonicum itaque est, ac irretractabile, quod de Jansenii sensu damnando judicium tulit Innocentius X. Clemens verò IX. nescivit factam fuisse à quatuor Episcopis distinctionem juris à facto, sed existimavit illos purè & simpliciter subscripsisse formulario Alexandri VII. imò & id debuit existimare.

XXXI. Ex Brevibus Innocentii XII. ad Belgii Episcopos scriptis, nihil colligi potest in gratiam religiosi silentii, quod prorsus esse insufficientiens circa dogmaticum Jansenii factum, Bulla. *Vineam Domini* decretoriè pronuntiat.

XXXII. Delectatio relativè victrix ad principia Janseniana explicata, totius est Janseniani

ni Systematis fundamentum, atque ex ea, velut à fonte quinque propositiones necessariò dimanant.

XXXIII. Constitutio Clementis IX. quæ incipit *Unigenitus* æquissima & canonica est, certissimumque Ecclesiæ universalis iudicium, verum ac propriè dictum dogmaticum, non mera *disciplina politica* ac *cautionis lex*; cui iudicio singuli fideles corde & animo adhaerere tenentur.

XXXIV. Justitia originalis, cæteraque iustitiæ dona primis parentibus in ortu suo concessa, verè supernaturalia fuère, & ipsis proprius indebita, non secus, ac immortalitas, & à concupiscentia, cæterisque malis corporis immunitas.

XXXV. Status naturæ puræ, sub omni respectu est possibilis.

XXXVI. Non omnis gratia voluntatis, nec proinde rectus quicquid amor Dei, est charitas propriè dicta, ideoquè datur amor medius vitiosam cupiditatem inter, & supernaturalem charitatem.

XXXVII. Homo lapsus certò cognoscere absque gratia quasdam veritates naturales, etiam practicas, potest, at sine interioris gratiæ auxilio, neque fidem, neque ejus initium habere potest, nec bonum aliquod ad salutem pertinens velle, aut perficere per solas naturæ vires etiam potentiâ ab actu sejunctâ; ad quod præter sanctificantem gratiam, indiget actuali voluntatis adiutorio; dantur tamen opera verè christiana absque ullo charitatis propriè dictæ motu, quorum aliqua tum ex objecto, tum ex fine absque fide propriè dicta, immò & absque
ulla

ulla veri Dei cognitione fieri possunt; unde omnes infidelium actiones non sunt peccata. Et quanquam homo lapsus absque ullo speciali auxilio, bonum aliquod morale ordinis naturalis exercere possit, omnia tamen & singula legis naturalis præcepta adimplere sine speciali gratia non potest, sed duntaxat quædam facilia solis naturæ viribûs exequi, potentiâ tum physicâ tum morali.

XXXVIII. Gratia sufficiens, quæ in statu naturæ lapsæ de fide est admittenda, ex fide Ecclesiæ ea intelligenda, quæ veram, expeditam, & relativam ad prementem hic & nunc tentationem, & concupiscentiæ gradum confert ad opus bonum potentiam saltem mediatam; hæc justis omnibus urgente præcepto datur, cum qua possunt perseverare usque in finem; à sanctificante distinguitur, non verò ab auxiliis actualibus & ordinariis, præter quæ, & gratiam sanctificantem, adhuc speciali (quod simpliciter sub meritum cadit) auxiliô Dei, ad perseverandum usque in finem, in actu secundo opus est.

XXXIX. Peccatoribus obduratis & obtæcatis non deest gratia sufficiens, saltè remotè, quâ possint nova peccata vitare, præcepta implere, & cordis duritiem ac cæcitatem deponere; conceditur & infidelibus omnibus, quâ ad fidem converti, & ad salutem pervenire possint; ipsis etiam parvulis, quibus per baptismum non succurritur, sufficienter Deus providit de applicatione remedii ad salutem necessari.

XL. Gratia efficax, quæ certò & infallibiliter dat velle & operari, quod nullam voluntati necessitatem imprimat, nequidem mutabilem

bilem & relativam de fide est, ejus verò efficacia, non à delectatione relativè victrici ad sensum Janfenii, non à cooperatione voluntatis humanæ, nec ex convenientia & attemperatione illius ad circumstantias, prout illæ subsunt scientiæ mediæ, nec ex præmotione physica, nec ex interna suavitate, ac victrici ejus delectatione *unicè & adequatè* repetenda; neque etiam in multitudine, varietate, & conspiratione plurimum auxiliorum reponenda, miris illa ac innumerabilibus modis operatur, ad definiri certò non potest, quomodo ea operetur.

XLI. Sola Christi Religio indubiè vera, Mosæica, quæ post tempus abrogari debuit, non secus ac ea, quæ in perpetuum constituta non fuit, de facto abrogata est, vera tamen, ac divina fuit; Machumetana rejicienda prorsus, Ethnica nec religionis quidem nomine dignanda. Præter naturalem, quam homo tenetur exequi, non possibilis tantum, sed & divinis attributis omnimodè congrua est Religio revelata, quæ pluribus aliis, præter Hebræos, populis innouit, quibus verò subtrac̃ta, partim iusto, partim misericordie Dei judicio subtrac̃ta est.

XLII. Quò Profelytorum suorum conscientiam tranquillare, & Religionem suam unde confirmare possent Deistæ, nihil habent, multum verò habent, unde eidem grave præjudicium inferant: Antecedenter ad positivas quas-cunquè Dei & hominum leges, de se bona & de se mala opera dantur; ut sua virtuti merces, sua etiam vitio pœna post hujus vitæ exitum respondeat, exigit ordo; anima est, & esse immortalis debet; æternitas pœnarum impiis constitutarum nulla ratione convellitur; contra verò gravibus fulcitur momentis. XLIII.

XLIII. Ecclesia, quæ apud varios, varia est, rectè definitur: *Cetus hominum unius & ejusdem fidei Christianæ professione, & eorundem Sacramentorum communione conjunctus, sub regimine legitimorum Pastorum ac præcipuè Romani Pontificis.* Ejusdem Author de potestate suprema & independenti solus Deus est, potestate excellentiæ & ministerii principalis, Christus, in genere causæ ministerialis inferioris, etiam homines concurrissè ad eam instituendam dici possunt. Antiqua est, non quidem strictè sumpta pro societate eorum, qui in Christum jam natum & passum fidem habent, sed sumpta pro multitudine fidelium, qui ab initio mundi vixerunt in terris; hoc sensu accepta vel ipsis naturæ & legis scriptæ temporibus adeò floruit, ut tunc temporis veros extitissè christianæ Religionis cultores asseri meritò possit.

XLIV. Parùm esset perspectum habere Ecclesiæ Christi naturam, si aliunde non suppetere certæ quædam notæ, certi quidam characteres, quibûs à quacunque alia, quæ vel ipsam mentitur, aut aliquam certò cum ipsa similitudinem habet, secernatur. Characteres illi & illæ notæ, cum de sua id ratione habent: ut propriæ sint & non communes, ut re, cuius sunt, notiores & ab ea distinctæ, ut sint sensibiles quodammodo, omnibus obviæ, & cognitæ faciles; neque igitur vera Christi doctrina, neque legitimus Sacramentorum usus, sunt veræ notæ, quibûs certò dignosci & à quacunque alia falsi nominis discerni possit, vera Ecclesia Christi; quæ ita est una: ut prorsus excludat quascunque alias societates, quarum fides diversa est erronea, in articulis etiam non funda-

men-

mentalibus, & extra ipsam nulla sit speranda salus; hanc unitatem, quæ nota est ac character veræ Ecclesiæ Christi, sola Catholicorum Ecclesia habet, à qua nulli unquam licet sese separare; ita sancta est: ea sanctitate, quæ veræ Christi Ecclesiæ propria est, ac singularis, ut nulla alia societas ea sanctitate sit sancta; est verè catholica: catholicitas enim est vera ac singularis Ecclesiæ nota, est Apostolica: tum propter originis & doctrinæ ab Apostolis derivatæ antiquitatem, tum propter Pastorum suorum legitimam missionem, tum denique propter eorundem non interruptam Apostolicam successionem. Hæc Christi Ecclesia, quæ ita est visibilis ex natura sua, ut semper oculis omnium conspicua fuerit, quæ nunquam deficit, nec unquam est defectura, sola Romana est, ac esse debet, nulla proin alia ad veram Christi Ecclesiam pertinet, quæ cum Romana communionem non habet, nec ei consentit, non quidem quantum ad particularem, quæ pro locorum varietate, varia esse potest, sed præcipuè quantum ad finem & generalem morum disciplinam.

XLV. Sola Ecclesia (cujus regimen purè Monarchicum non est, sed aristocratia temperatum) supremus est controversiarum Judex, quæ interdum judicat per Romanos Pontifices, interdum jus, quod habet causas Religionis judicandi, exercet per privatos Episcopos in suis sedibus dispersos, sive extra, sive in Conciliis particularibus: sive per literas, sive per consensum expressum, aut tacitum; porro in causis fidei, & morum definiendis errare non potest, sive per orbem universum diffusa, sive

in Conciliis generalibus congregata; nec fieri potest, ut multitudo Episcoporum, paucis ex adverso reclamantibus simul cum Romano Pontifice in causa fidei errorem definiat; ad cujus definitionis firmitatem moralis Episcoporum unanimitas sufficit.

XLVI. Non omnes, nec soli prædestinati, sunt in Ecclesia Christi; quæ non ex solis perfectis & justis constat, sed admixtos habet homines imperfectos, & peccatores, etiam manifestos. Hæretici publici in Ecclesia nullatenus, occulti autem sunt in ea solum quoad corpus seu partem ejus externam; Schismatici & verè excommunicati penitus non sunt, nec Catechumeni sunt actu vera Ecclesiæ membra.

XLVII. Uti constanti ac perpetuo Ecclesia de sensu propositionum, Librorum, ac Auctorum decretorie pronuntiavit, juncta simul juris & facti quæstione, damnans propositiones sapissimè æquivocas, nulla facta prævia distinctione sensus veri & falsi, sed habita duntaxat ratione sensus privati, ab Auctore vel libro damnando intenti; non autem propositionis in se & ab solutè spectatæ.

XLVIII. Sanctus Pretrus à Christo supra alios Apostolos primatum accepit, quem in honore & jurisdictione obtinet in tota Ecclesia, idque jure divino Romanus Pontifex; cujus in quæstionibus fidei præcipuæ sunt partes, ejusque decreta ad omnes & singulas Ecclesias pertinent, quibus religiosè semper obsequendum. Neque enim obedientia, quæ summo Pontifici ab omnibus debetur, in ipsius non errandi privilegio subnixa est, sed in suprema, quâ gaudet supra Christianos omnes spirituali potestate; infallibilitas

bilitas autem Summo Pontifici ab aliquibus as-
 ferta, non est regula certa, quâ fidei contro-
 versia dirimantur; Certissimum verò illud Mel-
 chioris Cani Lib. 5. de locis Theologicis Concl.
 3: *qui Summi Pontificis omne de re quacun-
 que iudicium temere ac sine delectu defendunt,
 eos sedis Apostolicæ auctoritatem labefactare,
 non fovere, evertere non firmare - - -*
*quid tandem disputando adversum hæreticos ille
 proficiet, quem viderint non iudiciò, sed affe-
 ctu patrociniû auctoritatis Pontificiæ suscipere,
 nec id agere ut disputationis suæ vi veritatem ac
 veritatem eliciat, sed ut se ad alterius sensum,
 voluntatemque convertat? Non eget Petrus men-
 daciò nostro, nostra adulatione non eget. Chri-
 stus nec Romanis Pontificibus, nec Ecclesiæ to-
 ti ullam in res temporales auctoritatem concess-
 it, ac per consequens, Reges & Principes po-
 testati Ecclesiasticæ nullatenus subiciuntur, in
 temporalibus, nec auctoritate Clavium, etiam
 indirectè, unquam deponi possunt, aut eorum
 subditi, à fide illis debita dispensari.*

XLIX. Antiquus est, rectus ac laudabilis
 Sanctorum in Cælis regnantium cultus, qui eo-
 rum reliquiis meritò ac licitè religiosus impen-
 ditur. Sanctos verò invocare, ut pro nobis ad
 Deum intercedant, bonum est atque utile. Ima-
 ginum usus, non ita quidem frequens, attam-
 entum fuit aliquis apud Christianos tribus primis
 sæculis; earum licitus est, nec idololatriæ in-
 cusari potest cultus, sed neque vera Christi
 crux, neque ejus imago adoratione latriæ est
 adoranda.

L. Fides, quæ sola non justificat, necessa-
 ria ad justificationem, non est specialis promissio-
 nium

fides, sed est dogmatica seu Catholica
rminus nimirum assensus ac certus rebus
à Deo revelatis; concurrat ad justifica-
(in qua peccata verè tolluntur quan-
culpam, & non solum teguntur) non
im meri organi, quò apprehenditur ju-
, sed per modum propriè dictæ dispo-
& impetrationis; justificatio verò non
i sola peccatorum remissione, sed in-
insuper hominis renovationem forma-
audit, fitque formaliter per donum ali-
rnum & animæ inhærens. Justitia,
i habita amitti potest, nec ad solos
pertinet, nec est æqualis in omnibus
emo autem, seclusa, speciali revela-
fide divina credere potest remissa sibi
ata, nemo potest, nequidem de con-
ereri primam gratiam actualem; nemo
igno primam gratiam sanctificantem,
rseverantiam; possunt tamen justî me-
ondigno vitam æternam.

Ad Majorem Dei Gloriam.



BIBLIOTHECA: UNIV



JACQUELONCAR

Biblioteka Jagiellońska



stdr0024730



